

**Radunanza generala dals 31-01-2015 a las 17.00**  
**i'lla Crusch Alba a Lavin**

**Bivgnaint e tscherna da duos scrutinadurs**

Daneil Franziscus salüda la brajada e propuonna a Robert Giacometti ed a Reto Strimer sco srutinaduors. 27 commembers sun preschaints.

**1. Il protocol** da la radunanza generala da l'on passà vegn prelet ed approvà.

**2. Tschernas**

Marcus Bonorand vain ellet sco successur d'Arthur sco assessur

**3. Tschernas da delegiats per la delegiada**

Marcus Bonorand ed Armon Schlegel vegnan ellets sco delegiats per la delegiada dals 16-5-15 a Bravuogn.

**4. Quint annual**

Il chaschier preschainta il quint annual cun ün gudogn da 559.45 frs.

Reto Strimer prelegia il rapport dals revisiuors da quint. Tuot saja in fich bun uorden e correct. Il rapport vegn approvà da la radunanza ed i vain dat dis-charg als organs toccants.

**5. Rapport presidial**

Daniel Franziscus remarcha cha l'on passà s'haja augmanta ligeramaing l'interess e la partecipaziun dals commembers pro arandschamaints da la società. Sajan quai radunanzas, il di da chüra a Lavin o il Nadal i'l vaud. El ingrazcha a tuot quels chi til han güdà ed a Marcus chi vain uossa in la suprastanza.

**6. Rapport derschader**

Quel es fich cuort, Mario Hässig nu n'haja nempe da dir nöglia.

**7. Adattaziun da las cuntribuziuns annualas**

Cunqua cha la cuntribuziun es usche bassa nu reista pel mumaint nöglia da quellas entradas pro la società douvra ün augmaint. Tuot va inavant o per la gazetina, per la BKPJV o l'implant da tir. Davart da Robert Giacometti vegn fatta la proposta d'augmantar la cuntribuziun be sün 85 e na sün 90 francs. La suprastanza fà attent a la radunanza chi'ns spettan investiziuns plü grondas per la sanaziun da l'implant da tir e chi füss da guardar fngià uossa sün las finanzas, eir scha la società ha üna facultà da passa 50'000 francs.

La radunanza segua la proposta da la suprastanza ed augmanta la cuntribuziuns da 75 sün 90 frs per commembers A, sün 45 per commembers B e sün 35 per commembers C.

**8. Mutaziuns**

La società vegn orientada dal mortori da Hans Rudolf Natter. La radunanza piglia cumgià d'el cun ün mumaint da silenzi. La società ha duos veterans inplü. Quai sun Peder Clagluna chid es preschaint e survain la medaglia e Jachen Schlegel chid es absaint.

**9. Propostas a man da la delegiada**

Quista tractanda vain spostada sün l'extraordianria pervi chi nu sun avantman ningünas propostas

**12. Orientaziuns**

Chasper Fried senior schmetta davo 22 ons sco chaschier da l'implant da tir Urezzas.

Chi chi ha interess da surtour quel job po s'annunzchar pro Cesare Mauri.

**13. Varia**

La cumprouva da trar, il „Schiessnachweis“, chi dvainta obligatori a partir da quist on, dà da discutir. Douvrraraja eir in avegnir il fögl verd pel caliber o basta il fögl per tuot la Svizra independntamaing dal caliber? Dessan na commembers pajar daplü o sun il cuosts fingià inclus in la taxa da 15 francs o na? Sün quista dumonda daja ün na. Ils 15 francs sajan be per la cumprouva da sajettar e na pel döver da l'implant. Per quel as poja inchaschar amo alch. La chatscha da reducziun vain eir amo manzunada. In quel connex haja il cussagl gronda da decider als 9 da faver scha l'iniziativa cunter la chatscha da reducziun saja valabla o na.

Il president serra la radunanza a las 18.30

L'actuar Armon Schlegel